

1 Tesaronaika

Pas mamî Por ai

Tesaronaika-hündambo sürü papîmarandî

¹ Ro Por, Sairas, Timoti-aneî, Kraisîndî nendî Tesaronaikahü amarei siheimbo pas nda sürü paparihundî. Se Ape God asu Adükari Sisas Krais-yafand-aneî. God ai siheimbo hiþoambo-reandürühi, afurife hohoanîmo mbîsagadür-amboane.

² Munguambo si siheimbohündambo Godîmbo didîbafi-yahündürühi hîhîfi-rîhurühanefî.

³ Se anîhondumbo-rîhindühi aboedî ratûpurî ratûpurîyeihî, ngusüfo parîhindühi tîñîrîfoyeihî, asu Adükari Sisas Krais ai kosomboayu ranîmbo hîmboyeihî ngînîndî nimboei arihundî. Ranîmbo ro hohoanîmoyefühi, nimbi-nimbîsi siheimbohündambo sihefi Ape Godîmbo hîhîfi-rîhurühi didîbafîyefî arihundî. ⁴⁻⁵ Wandafî mamî, yihoefî hoafî aboedî nda hoafî yangîriyopoanî siheimbo tükefeyo, nga ngînîndînambo tüküme feyo-ane. Yifiafî Aboedî ai mafarîhemuna aboedî hoafî ra hoafîmayefî, asu ranîmboane se ngînîndî anîhondumbo-marîhindî. God ai siheimbo ngusüfo pareandürühi, ahandîhoari siheimbo kamafoareandürî, ra ro yarîhu fifîrîhu mburîhu hîhîfarîhurî. Sihei mbüsumo nimboefombo siheimbo fehefe-ndürîmbohünda hohoanîmomayefî, ra se fifîrîhindî. ⁶ Se

Godindi hoafi masahümündia hohoanimo afindi tüküme feyondürisi, nga Yifiafi Aboedi ai mafarihendura hihifi-hihifimayei. Se yihoe fi hohoanimo asu Adükarindi hohoanimo ra diboadorihi süngurihi marihündi. ⁷ Raniyo asu se Masedonia hifihündi, Akaia hifihündi anihondmbo-rihindeimbi ranaheimbo aboedi hohoanimo nafuimehündura asu ai rani-süngumarihindi. ⁸ Sehündi Adükarindi hoafi ra fufunayomo rahurai maho. Masedonia Akaia hifi yangiriyopoani, nga mungu hifi se Godimbo anihondümbo-marihori hoafi ra maho. Ranane asu ro asükaindefi ranimbo ngiri aheimbo hoafindefi. ⁹ Nga aheihorari ranahambo fifirihindühi hoafiyei arihündi nahurai: Ro siheimbo sowana tükümehunda Godindi hoafi sahümündi hehi, tikai god hiningirihini hehi, anihondü God ai yangiri nüngumbi ranahambo süngumarihindi ranimbo wataporiyei arihündi. ¹⁰ Asu God ranani ai ahandi nimori Sisasi yifihündi botimariri sünambeahindi kosomboayu ranimbo se hifandarihori. Sisasi ai Godindi hürütümbi yibobofe si ra tükündifemboe sihefimbo ranambeahindi aboedambo-reamuni arandi.

2

Por ai Tesaronaikahü ratüpurimayu ranahambo hoafimayu

¹ Wandafi mamä, horombo ro siheimbo sowanambo masinefi rasimboani yihoe fi ratüpuru moai moani tüküfeyo, nga ra se fifirihindi. ² Horombo Firipai ngoafihü yihoe fimbo moaruwaimbo-rihimunühi asu

yihoeŋimbo amoanŋgũmbi hoafi hoafimayei, ra se fifirihindi. Asu bidifiri ai yihoeŋimbo gũmarihimuniŋi, nga ro Godimbo anihondũmborihurühi, yihimbokoate aboedi hoafi siheimbo bokamari-hehundüri. ³ Siheimbo moai mamikarambo hoafi hoafiyahundüri, asu moai moaruwai hohoanimoyefühi wosihoafori hoafiyahundüri, nga wani. ⁴ Nga God ai yihoeŋimbo yare hoeireamuna mayoa aboedanemo yahuhaya, ranimbo yihoeŋimbo anihondũmboreamunühi aboedi hoafi hoafimbo ratüpurü ra masemunü. Asu nindou yihoeŋimbo siao-mbeyahũmunambo sefi hohumbo-yefipoani aboedi hoafi hoafayefi, nga God ai siaombüfiyuwa sefi hohumboanefi hoafiyefi arihundü. God-ani ahandihoari yihoeŋi ngusüfo yare hore arandi. ⁵ Asu yihoeŋi hoafi ra ŋgorü-süngufe hoafiyo, ŋgorü-süngufe hoafiyo-ramboyefipoani, se ra fifirihindi. Asu ro yihoeŋi hohoani hohoanimo ra gabudihundühi moai hoafiyefi, nga God ai ranimbo fifireandi. ⁶ Nindou bidifiri asu se, yihoeŋimbo aboedi mbumund-anemo mbiseiya sefi hohumbo-yefipoani, nga wani.

Ro Kraisindi hoafi sahumindefi hefirihundeimb-anefi, nga se yihoeŋimbo afarihemuni ra aboed-anesi. ⁷ Nga se-babidi mamarefi ra wari hoafendühi diboado-marihundüri, hondi ai nimorimbo diboado-arihindüri nou. ⁸ Ro siheimbo afindiimbo ngusüfo parihundürühi aboedi hoafi hoafiyondürimbo hihihi-hihihimayefi. Raniyangiri-yopoani, nga fehefe-ndürimbohündambo

amboani hohoanimomayefi. Sapo se ngunindi hondü-mayeiambo. ⁹ Wandafi mamî, ro afindi tinjirifomayefi ra se fifirihindi. Siheimbo aboedi hoafi bokari-hehundürühi se yihoezimbo sesimbuimbi saimbo ra tinjirifo-ndahimboyei sefi hohu ranimboyefi asu nimbi-nimbisi afindi tinjirifomayefi yihoezihoi fehefemböhünda.

¹⁰ Horombo anihondumbo-rihindeimbi babidi nimboefambe, ro moai moaruwai hohoanimo süngurihundi, nga mbumundi hohoanimo süngurihu marihundi rananefi hütikoate-ayefi. Ranimbo se Godimbo fifirihori. ¹¹ Afindi ai ahandi nimori didiboadoariri nou-ane, ro siheimbo mamami rarihundüri marihundi, ra se fifirihindi. ¹² Ro sihei ngusüfoambe kikimifoari-hundürühi, ngusüfoambe botirihundürühi hüti-hoafimehundüri. Nga se Godindi hoafi süngundihindani, God ai siheimbo aboed-anei mbüsündüra sefi hohumboanefi hoafi ra hoafimehundüri. Nga God-ani siheimbo ahandi simbamindi hamindi nginindi hifandirand-ambe kefoefemböhündambo kamafoareandüri.

Ai Godimbo anihondumbo-rihindühi taborihehi niboadei arihündi

¹³ Ro horombo Godindi hoafi hoafimayefa se nindou-yafe hoafi yangiriyo, nga Godindi-mayo hoaf-ane sei hehi masahümündi ranimbo ro munguambo si Godimbo hihifirihuri arihundi. Nga anihond-ane, hoafi ra Godindi hoaf-ane. Se anihondumbo-rihindeimbi hoafi ra sihei ngusüfoambe amarondüri ranai nginindi ratüpurio arandi. ¹⁴ Wandafi mamî, Godindi nendi Sudia hifihü amarei se ahei hohoanimo süngurihi arihündi. Nga sihei ngoafihündi

sìheimbo moaruwaimbo-marìhindürì, Sudahündì ai aheimbo moaruwaimbo-marìhindürì nou. ¹⁵ Sudahündì ai Godìndì hoafì hoafiyomo-rundeimbì asu Adükarì Sisas ahamumbo hìfokoa-marìhipurì, asu yìhoefimbo hemafoarìhimunì. Ranìyu God ai aheimbo ngìnìndì-marandüra asu ai nindou munguambo hürütarìhündürì. ¹⁶ God ai Suda-yafe ndìfombo aboedambo-fendürimbo moei aseì ranimboane asu ai yìhoefimbo Godìndì hoafì bokarì-hefendürimbo gümarihimunì. Raninambo ahei moaruwai hohoanimo afìndì tüküme Feyowa haponda Godìndì hürütü ranaheimbo tüküfendürimboane.

Por ai Tesaronaikahündì ndüfosimbo asükai hìhìrìfe hombo mehu

¹⁷ Wandafì mamì, Suda ai gümarihimuna asu moai akìdou gabusümo se-babìdì nìmarefì, nga sìheimbo afìndì hohoanimoayefì. Yìhoefì ngusüfo ana se-babìdimboane, nga roana fì safì yangìr-ane fì. Ranìyo asu sìheimbo hohoanìmoyefühì nìnì-nafìndahu ngefì hoeindìhundürì sefì hohu hütì-hütìayefì. ¹⁸ Sìheimbo sowanambo ndüfosimbo hìhìrìfe hombo masefì, nga Por ro yimbumbo-mbaiyahìyo, ngimimbo-mbaiyahìyo sìheimbo sowana sìnimbo masahì, nga Satan ai yìhoefimbo gümareamunì. ¹⁹ Adükarì Sisas ai kudianì, rasimboanì nìnì-moatükunimbo anìhondümbö-ndìhundühì hìbadìmandìhunda? Se ro-babìdì nìmarefambe ra. Dabohündambo hìhìfì-hìhìfìmandefa? Sìheimbohündambo. Yìhoefì ratüpuri ra aboed-ane nafuimbohünda ro aboedì nìnì-moatükunì mandahumìndefa?

Siheimbo. ²⁰ Nga siheimbohündambo hihifi-hihifayefi asu ndürimb-ane fi.

3

Por ai Timotimbo koamariheira hu ahei ngusüfo kiki-mi-mafoareandüri

¹⁻² Asu siheimbo afindi hohoanimoyefühi sihei hoafi fifirifembo-hündambo ngiri gedühi hamindi hibadihundi, nga ro yimbu Atens ngoafihü nimarimbo sehühi, Timoti siheimbo sowana koarhefiyuan hombo masehi. Timoti ai sihefi wandaf-ani, asu ai Kraisindi hoafi aboedi hoafiyu randühi, Godindi ratüpuriyu-randeimb-ani. Siheimbo kiki-mi-foe-fendürühi, asu nginemindi-ndürimbo koamarihedora masünu. ³ Tiñirifo siheimbo tükündifewani se ngiri kikirifindei, nga se siheihoari fifirihindi God ai sihefimbo tiñirifo ra yifirimayu süngumbo. ⁴ Yin, horombo ro se-babidi nimboefambe yarihu hoafiyahundürahiya, 'Sihefimbo tiñirifo tükündifemboe,' masefi ra tüküme feyo. ⁵ Rani süngumboyo asu ro moai gedühi hifandihandi, nga asu Timoti koamarihelina masünu ra ro sihei anihondümbofe fifirife-ndürimbohündambo. Sisihimore hoeire-randeimb ai siheimbo sisihimonde hoeindeandürani asu yihoe fi ratüpur sihei mbusümo ra wanindimboe sefi hohu moei-asefi.

Timoti ai Kraisindi nendi Tesaronaika ngoafihü aboed-anei mehua Por ai hihifi-hihifimayu

6 Nga haponda Timoti ai hihirifi
sünümboani siheimbo sowahididi ranyu ai
se anihondümborithi asu ngusüfo parithi arihündi
ranahambo hoafi semündü masünu. Ai yare
hoafiyuhü yahuya, munguambo si se yihoeifimbo
hohoan+moyeihi yihoeifimbo hoeifembo afindi
hohoan+momayei ro siheimbo ramehundi nou.

7 Wandafĩ mamĩ, moaruwai moatũkuni asu
tiŋiriŋfo yihoefĩmbo tũkũmefeyo, ŋga se aboedi
anĩhondũmbo-marĩhindi ra ro hĩmborĩyeifũhĩ
rani hoafi yihoefĩmbo kikiĩmĩma-foareamuni.

8 Nga se Adükari-babidi nginindi maniboadei ranimboane asu ro aboedi safi amarefi. 9 Sihefi Godindi himboahü siheimbohündambo afindi hihifi-hihifarihunduri ranimboane fi asu hihifi-hihifi ranahambo ro Godimbo afindimbo hihifimarihuri. 10 Nimbini-nimbisi siheimbo hoeifemböhündambo Godimbo didibafiyahu arihundi. Asu sihei anihondümbofe ra mbonimbo-ndihümündiani, ro ranimbohünda fandihuhu-ndurimboyefi.

*Por ai aheimbo sowana hombo ahafan+imbo
fehefep+ri+mbohunda God+imbo did+ibafimefiyu*

11 Sihefi Ape asu God ahandihoari sihefi Adükarî Sisas ai siheimbo sowana nafi ndondineamunanî digimboane. 12 Asu Adükarî ai siheimbo fandihendüranî sihei ngusüfo pefe hohoanimo adükarî mbihowamboane. Ranimboane asu se apodoho-apodoho asu munguambo nindou aheimbo afindi ngusüfo pandihindürî ndühündî, ro siheimbo ngusüfo pararîhundürî nou. 13 Rananimbo ai sihei ngusüfoambe kiki-mi-mbifoareandür-amboane

asu süngunambo-animbo sihefi Adükarî Sisas ahandî nendi-babîdî kuduanî, rasimboanî se sihefi Ape Godîndî himboahü sürühehindeimbi hütikoate niboadeimboyei.

4

Hohoanimo God ai yifirayu ra süngundîhi ndühündî

¹ Wandafî mamî, hohoanimo God ai yifirayu ra siheimbo yamundîma-rîhundürî asu se ra süngurîhi arîhundî. Adükarî Sisasîndî süngu siheimbo ngînemîndürîmbo se hohoanimo aboedî safî ranî-süngundîhi ngei asefi. ² Sisasîndî dibafî hoafî ro horombo siheimbo hoafîmayefî ra se fifîrarîhindî.

³ God ai yare hohoanimoyuhü, se dîboadondîhehi niboadeimbo, nîmorehî sisîhimbo, anîmîndîhoandî bîrabîrî, ranî hohoanimo hîningîndîhi hehi niboadei, mehu. ⁴ Se mamamî nindou munguambo ai nîmorehîhî-ndafundüh, nîmorehimbo aboedî hohoanimo-ndîmondürühî dîboadondüwuri.

⁵ Nindou Godîmbo fifîrîfekoate-yeimbi, Suda-yafe ndîfo ai nîmorehimbo ngusüfoambe hohoanîrundürühî nîmorehî sisîhimoyomo marundî. Nga se ahamundî hohoanimo rasüngundu hohoanîmondîmboemo. ⁶ Se wandafî mamîmbo moaruwaimbo-ndüpurühî ahamundî nîmorehî sisîhimbo-ndümbemo. Nga nindou ai rawareandî ana, God ai ahambo simborî tîjîrîfo dagadombui. Nga horombo siheimbo ranahambo ro ahîni hoafîmehundürî.

⁷ Nga God ai moaruwai hohoanimo süngufembo

yahumboyupoani sihefimbo hoafimemuni, nga sürühoeimbi hohoanimo süngufembo yahumboyu hoafimemuni. ⁸ Ranimboane asu nindou ai hoafi ranahambo daboadanambo-ndihindani, nindoumboyopoani, nga God Yifiafi Aboedi sai-randeimbimbo anihori daboadanambo-arihori.

⁹ Wandafi mamimbo ngusüfo pefe hohoanimo ranana ro ngiri siheimbo pas ndanambe sürü papindihundi. Sapo God ai siheimbo hohoanimo ra yamundi-mareandüri. ¹⁰ Yini, Masedonia hifi munguambo, apodoho mam ranihu munguambo se ngusüfo pandihindüri. Nga wandafi, se yandhi süngundhi ngei sefi hohumboanefi ro siheimbo huti-hütiayefi. ¹¹ Se yandhi diboadondhi hohoanimondeih, afufuriboaddhi hohoanimondeih, siheihoarimbo yangiri diboadondhi hibadihündi. Moani nimateimboyei, nga yimbokoari warinambo ratüpurindei, horombo siheimbo yarihu hoafimehundüri nou. ¹² Rananimbo se ngiri ngoründifihi kündarei. Ranimboane asu Godindi hoafi süngufekoate-yeimbi ranai yandhi hondihindürani, siheimbo ahinindeimboyei.

*Sisasimbo anihondumbo-rihindeimbi
yifihündi botife aheimbo hoaf-ane nda*

¹³ Wandafi mam, Godindi hoafi süngurihindeimbi yifisafimayei ranimbo fifirimbirihindi sefi hohumboanefi. Se ranaheimbo afindi hohoanimo-ndeimboyei nindou ai anihondümbofe-koate ramehindi nou. ¹⁴ Nga Sisas yifyu mbura, asukai botimefiyu ra

anihondümbö-arihundi. Raniimboane asu ndan-amboani anihondümbö-arihundi. Sisasiimbo anihondümbö-rihindeimbi yifimayei ra God ai aheimbo ndemündündürü haya, Sisas-babidimbo kodeimboyei.

¹⁵ Nga Adükarindi-mayo hoafi siheimbo hoafayefindürü ra ndahurai-ane: Adükarü ai asükai kuduani, yangirü aniboadefi sihirü Sisasiimbo anihondümbö-rihindeimbi yifimayei ranaheimbo ngirü ngasündihundürü hohu gagifi, nga wanü. ¹⁶ Nga rani-sihü Adükarü ai ahandihoari sünü hinnginde haya kudümbui. Rasimboan-animbo ai puküna hoafinduanü, sünambeahindi nendi bogorü ai minginduanü, asu Godindi fufunü ai hoafindimboe. Nga Sisasiimbo anihondümbö-rihindeimbi horombo yifimayei ranai boatei botindahimboyei. ¹⁷ Nga süngunü sihirü yangirü aniboadefi ai-babidi Godindi nginindinambo sünambe mamambe-ndeamunü hayambo-animbo, Adükarü babidi mamühindahu, asu koadürümbo-koadürümbo ai-babidimbo nimandeimboyefi. ¹⁸ Nga hoafi raninambo ngusüfoambe kikimi-foefirindei.

5

Adükarü ai kudümbui ranimbo-hündambo sihirü diboadondihehu nimandefomboane

¹ Wandafi mamü, nini-sihüyo nini-simboaniyo rani-moatükunü tükündifemboe ranahambo ro ngirü siheimbo hoafi sürü papindihundi.

² Sihirü ngirü rani-simboani fifindihundi. Nga Adükarü ai kusü simboani ra moani nimai tükündifemboe, nimboambo hümbuhünü

nendi tükayafundi nou, se siheihuari ranahambo aboedi fifirihindi. ³ Nindou ai hoafindeihya, 'Aboedi hoafuhane,' asu 'Hapoana aboedi amarefi,' rambiseiani, rani-simboan-animbo moaruwai moatükun aheimbo moaruwaimbo-ndearümboe, nimorehi ai niori wakemindimbo nimai tangüfür arandi nou. Nga ai ngiri ranahambo taborindi-hehindühi bündahindi.

⁴ Nga wandafi mam, seana nimbokoani moai nimatei, nga ranimboan-imbo Sisas kusü simboani se ngiri hepünindahindi hümühün nendi tüküfewani nindou ai hepühendi nou. ⁵ Nga se ra mungu nimbokoani hahabudei-rihündeimbi-yeipoani, nga sirihü hahabudei-rihündeimb-anei. ⁶ Ranimboane sihiri ngiri apoefi bodimondi ai rawehindi nou, nga sihiri ana hibadihundühi mungu ranahambo diboardondihu hohoanimo-ndefomboane. ⁷ Nga yapombohimbombü ai nimboambo apoehanei asu simindei-rihündeimbi ai nimboambo simindei hehi afindi-afindiyei rihündühanei. ⁸ Sihiri sirihüdid nindou-anehi, ranimboane asu sirihü hahabodefühi diboardondihu hibadindi-humboane. Sihiri anihondumbo ngusüfo pefe hohoanimo ra güdhumboane niminehoari agüdundi nou. God ai sihefimbo aboedambofe-munimboayu rasimboan-animbo ranimbo himbondefomboane, rananimbo randihundani, sihefimbo ngosangoni-ndimboe kapa at nginindi ami yifiarimbohünda kikafoarundi nou. ⁹ God ai sihefimbo nginindiyimunimbo moai kafoareamuni, nga wani. Nga sihefimbo

ana sihefi Adükari Sisas Krais aboedambofe-munimbohündambo kamafoareamun-ane.
¹⁰ Sisas ai sihefimbo fehefe-munimbohündambo yifimayu. Rananimbo asu sihirı yangrı nıboadefühıyo asu yifindefühıyo ai-babıdı nımboemboyefi. ¹¹ Ranimboane asu se siheihoarı simborı kıkımıfoe-fırindeihı, aboedı hoafınambo fehefiründeı, ra se rawarıhındı nou.

Bıdıfıranımbı Hoafı

¹² Wandafı mamı, ro hoafı nda hoafehündürı, nındou ai se-babıdı Godındı ratüpürı ratüpürıyomo-rundeimbı ranahamumbo dıboadondıhipürı. Ai siheimbo hıfandımböhündambo Adükari ai kamafoareapura, siheimbo aboedı hohoanımo süngufembo hoafıyomondürı arundı. ¹³ Ahamundı ratüpürımbı hohoanımondeihı, se ahınindeihı hohoanımondahüpürı. Se wandafı mamı-babıdı simborı-simborı wudındeı.

¹⁴ Wandafı mamı, ro siheimbo hoafehündürı nda, nındou ai yiboaruko-yiboarukondeianı, aheimbo ahını hoafındahündürı. Nındou ahınıyeı-rıhündeimbı kıkımıboadıhindürı. Nındou ai Godındı hoafı akıdou yangrı süngundıhindanı ranaheimbo fandıhehindürı asu nındou muıguambo warı hoafendühındıhindürı. ¹⁵ Se hıbadıhündı nındou bıdıfırı ai siheimbo moaruwaimbo-ndıhindüranı, asu aheimbo simborı moaruwaimbo-ndıhindürımbıyeı. Nga wanı. Muıguambo si siheihoarı simborı fehefirındeihı, asu nındou muıguambo fandıhehindürı.

¹⁶ Muıguambo si hıhıfı-hıhıfındeı ndühündı.

¹⁷ Muıguambo si Godımbı dıdıbafındeı

ndühündi. ¹⁸ Nini-moatükunî tükümandife ranahambo se Godimbo hihifindihorî. Sapo se Sisas Kraisind-anei asu God munğu ra refemboane mehu.

¹⁹ Se Yifiafi Aboedi hai nou dikirindihimboyei.

²⁰ Nindou Godindimayo hoafi hoafindeiani, se hoafi ranahambo moanane mbisemboyei. ²¹ Nga munğu-moatükunî ra randihi hoeindihinda aboedindoani ana, ranahambo kikihi-safindihümüdi. ²² Nga moaruwaindoani ana, ranahambo bündahindi.

²³ God ai afurife hohoanimo ra nimindihani. Ai ahandihoari siheimbo munğunambo didiboado-mbireandür-amboane asu se sürühehindeimbi nimboeimboyei. Nga sihei ngusüfo, yifiafi, fi ra hifandimbirand-amboane rananimbo asu sihefi Adükari Sisas Krais kuduani, se hütipoani, nga aboedi mbumündi hamindi nimboeimboyei asefi. ²⁴ Nga God ai randeambui nimboe sapo ai anihondümbo mamani siheimbo wand-anei mehundürî.

²⁵ Wandafi mamî, se yihoefimbo-hündambo Godimbo didibafindei. ²⁶ Se apodoho-

apodoho munğuambo se yihoefimbo-hündambo karîhasihandürî mbisei. ²⁷ Adükarindi nginindi süngu ro hoafehandürî nda: Se pas nda munğuambo apodoho-apodohombo hoeindihî hehi hoafindei.

²⁸ Sihefi Adükari Sisas Krais siheimbo hiþoambo-mbireandür-amboane.

Godindɨ Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 11 Nov 2022 from source files dated 9 Oct 2020

c500d379-d0cf-5c22-9613-91d7bcc63af3